

北京舊志彙刊

〔萬曆〕
順天府志

〔萬曆〕

順天府志

卷之二

順天府志卷之二

順天府府尹沈應文、府丞譚希思訂正

治中楊應尾、通判吳有多、譚好善、

陳三畏、推官凌雲鵬、知縣崔謙光同閱

教授李茂春、訓導陸楨、管大武、高好問分閱

大興縣丞張元芳彙編

營建志

《禮》曰：「毋起大工，毋動大衆。」言興建之不可不謹也。顧庠序學校，所以養賢；城郭溝池，所以固守。在公有署，出治以宜民；途

處有郵，爰咨而駐節。壇社以報本，反始百世，胥存佛、老，亦聖世不遺。二氏攸止，是皆勞民以役，動民以財。經國事者，不容缺而不講也。志營建。

城池

夫深溝高壘，重關大澤，所以爲民坊也。兵法曰：女牆百雉，重淵九尋，嶮巖巖嶮，形勝乃生，言守也。顧人心可恃，則金湯收保障之功。使民不效命，其誰與守？堅城深池，所謂偕寇兵而賁之稻糧者也。善乎？孟軻氏之言曰：

「固國不以山谿之險。」則所重固在此而不在彼歟。

順天府

大興縣

宛平縣

俱載金門圖

良鄉縣

正統中，築土城。隆慶二十年，知縣安守魯奉例燒磚包砌，通龍泉諸水繞城。

固安縣

土城，正德十年，知縣王宇創築。〔注一〕嘉靖

〔注一〕「正德十年知縣王宇創築」，光緒《順天府志》卷二十一《地理志三·城池·固安縣》作「正德十四年，山東盜掠河北，御史盧雍與知縣王琮始創土城」。

二十九年，知縣蘇繼砌磚。四十四年，知縣何永慶重修。嘉靖六年，知縣李玦鑿池，歲夕沙淤。四十三年，知縣何永慶重鑿，縣丞樊景明夾池植柳數千株。

香河縣

舊爲土城。正德二年，砌磚。嘉靖四十四年，知縣范經增高五尺，修角樓四座。萬曆二十年，知縣陳增美復增高二尺。

通州

州有新、舊二城。元以前無城。國朝洪武元

年，燕山忠敏侯孫興祖從大將徐達定通州，督軍士修城潞河西，甃磚周九里。正統間，太監李德、鎮守陳信奏建新城。嘉靖六年，巡撫李貢增修，加五尺。舊、新一城外，各有隍深闊。萬曆二十一年，以倉儲重地，請於上，重建磚城。

三河縣

舊城在縣治東三里許洵河南，被水衝廢。後唐明宗長興三年，盧龍節度使趙德均因夷虜出沒，改置今城，方六里。內築土基，外砌磚石，壕闊三丈，深半之。嘉靖二十九年，虜臨城下，知縣

張仁增高五尺。至四十二年，虜夾城南掠，知縣劉文彬又增五尺。未幾，大巡房練溪奏討帑銀一千兩，動支撫按贍罰銀一千二百兩，大加修理。知縣張綸增置角樓、敵臺，牆頂磚鋪灰灌。

武清縣

舊城在白河十七里丘家莊南。洪武初，遭水患，遷西八里。元衛帥府鎮撫衙，即今治。舊無城。正德六年，流賊變，知縣陳希文築土垣。嘉靖二十二年，霸州兵備楊大章因城內多曠地，截去東北二里〔注一〕，乃築土城，樹女牆。隆慶三年，

〔注一〕「東北二里」，光緒《順天府志》卷二十一《地理志三·城池·武清縣》作「東北二面」。

〔注一〕原稿「霸州」，《明史》卷二二《吳兌傳》作「薊州」。

〔注二〕「弘治初」，光緒《順天府志》卷二十一《地理志三·城池·寶坻縣》作「弘治庚申」。即十三年。

巡撫劉應節，總督、侍郎譚綸，知縣段雲鴻、張鳴修磚城。河西務、鈔關，舊無城。隆慶三年，巡撫楊兆，總督、侍郎劉應節，霸州兵備副使吳兌，〔注一〕宋守約，始建磚城。

漷縣

舊無城。正德初，知縣郭梅築土城。萬曆四年，總督軍務楊兆委知縣李子躍修治磚城。

寶坻縣

舊爲土城。弘治初，〔注二〕知縣莊禪修築磚城。正德辛未，流賊至城下，攻不克。嘉靖四十

三年，知縣唐鍊復增城二尺，浚池一丈二尺，闊倍之。

昌平州

州城約六里。奏討內官監官匠修造新城，約四里餘。二城皆內土外磚，城濠舊者略深闊，新者逼窄。城中譙樓，乃天順三年天壽山守備廖鏞修造。欽降銅壺滴漏。

順義縣

原築土城。嘉靖二十九年，虜變，奏請入府錢糧，修築磚城。隆慶二年，巡撫劉應節題請增

高五尺，濠深一丈五尺，闊四尺。

密雲縣

舊城創於洪武年間，原設三門，周圍九里，分屬密雲中衛五所。新城創於萬曆四年，在舊城之東。

涿州

州城，相傳築自顓帝，世遠茫昧，竊恐未然。城周圍九里有奇。景泰初，知州黃衡甃磚，隍深十尺，廣倍之。

房山縣

舊城，創於金大定年間。國朝弘治間，知縣閻岱增葺。正德間，知縣曹俊修置城樓。嘉靖間，知縣王崇學加修墩臺。隆慶間，知縣李琮重修。萬曆乙亥歲，知縣陳庭訓周圍植樹。

霸州

舊傳燕昭王築。宋將楊延朗修葺土墉，以禦契丹。金元因之。國朝弘治初，知州徐以貞建東北樓。己未，知州劉珩以磚包城北面。正德間，知州王汝翼請內帑，陶甓三面包之。嘉靖庚子，兵備王鳳霖募工浚池，環堤樹柳。

薊州

舊土城。洪武四年甃磚，周圍六里，北倚山，南瀕水。

玉田縣

舊土城。成化三年，都御史閻本包磚。隆慶己巳，虜患，增修，挑浚城壕，深闊倍之。

豐潤縣

舊土城。正統十四年巡撫鄒東學、天順六年總兵馬榮甃磚，未半而止。成化初，巡撫閻本始完四里。隆慶二年，巡撫劉應節因邊警，率知縣

馮如圭重修。舊池堙塞，復加疏鑿，深闊二丈。

平谷縣

舊土城。形制低狹。成化丁亥，巡撫閻本增城包磚，塹闊二丈五尺，深半之。嘉靖壬午，寇入城中，巡撫孟春命兵備熊相重修。嘉靖癸亥冬，虜馬奄至城下，知縣任彬設法守禦，殪其酋二人，虜引去。彬又增築五尺，浚其塹，沿堤植柳。隆慶二年，知縣瞿聽復挑浚壕池，幫築城牆。

永清縣

舊爲土城。正德十年，流賊兵火，知縣郭名

〔注一〕光緒《順天府志》卷二十一
《地理志三·城池·永清縣》作
「正德五年，流賊突犯，毀官捨，劫倉庫，知縣郭名世始拓土城，袤五里餘」。

世重建，周五里。

〔注一〕

隆慶二年，霸州兵備孟重

委判官王建砌磚。

保定縣

城周環三里，池深一丈五尺，闊三丈。

遵化縣

城池創自唐之天寶。洪武十年，指揮周寶式

廓西隅。萬曆八年，重建。

東安縣

城舊爲土城，計三里許。於隆慶四年，知縣

劉祐易之以磚。

懷柔縣

城舊爲土城。成化三年，以磚石重修。隆慶年，始增甕城、敵臺。萬曆年，重修之，下甃以石，上砌以磚。

文安縣

城計八里，係土城。正德九年，重修。萬曆十三年，知縣官延澤增修。

大城縣

城在嘉靖四十年建，以磚包，高二丈二尺，門樓四座，角樓四座。

公署

國家建職莅官，總治有所，分治有署，以至駐節麾旄，各有攸止，以節勞也。噫，戴星出入，不遑燕處，古人芳規，皆可師法。出門使民，儼然稱尊。士君子一日安於其位，則安可一日肆也。

順天府

府治，

在大興縣西北。

候氣堂，

冬至日，以葭管吹灰。在府治後。

巡按察院，

在西河漕。

提學察院，

在按院後。

巡鹽察院，

在順城門西。

屯馬察院，

在學院北。

京畿察院，

在三法司門北。

巡倉察院，

在承恩寺前。

巡關察院。